



A 2p P/Pl 40138/54

AUTRE MOTET
POUR LE SOIR,

PAR LE MEME.

BENEDICTUS Dominus Deus meus, qui docet manus meas ad prælium : & digitos meos ad bellum.

Misericordia mea, & refugium meum : susceptor meus, & liberator meus.

Protector meus, & in ipso speravi : qui subdit populum meum sub me.

Domine, quid est homo quia innotuisti ei ? aut filius hominis, quia reputas eum ?

Homo vanitati similis factus est : dies ejus sicut umbra prætereunt.

Domine, inclina coelos tuos, & descende : tange montes, & fumigabunt.

Fulgura coruscationem, & dissipabis eos : emitte sagittas tuas, & conturbabis eos.

Emitte manum tuam de alto, eripe me & libera me de aquis multis : de manu filiorum alienorum.

Quorum os locutum est vanitatem : & dextera eorum , dextera iniquitatis,

Deus , canticum novum cantabo tibi : in psalterio , decachordo psallam tibi.

Erue me , Domine , de manu filiorum alienorum , quorum locutum est vanitatem : & dextera eorum , dextera iniquitatis.

Quorum filii sicut novellæ plantationes : in juventute sua.

Filiæ eorum compositæ : circumornatæ ut similitudo templi.

Beatum dixerunt populum , cui hæc sunt : beatus populus , cujus Dominus Deus ejus.

Après la Bénédiction , *Domine salvum fac Regem.*

